

治法彙

盱江 張三錫 纂

金壇 王肯堂 校

氣一

張三錫曰、作脹膈懣痞塞、上下刺痛、皆濁氣爲
患、然一元之清氣、原中和、一或偏傷、氣病立見
隨其所應、以法治之、中病卽止、如伐強暴、稍平
卽行安撫、庶黎庶遂生、不傷元氣、善乎古語曰、
青皮破滯氣、多服損真氣、枳殼瀉滯氣、過用

損至高之氣香附散鬱氣須製過木香調諸

經氣兼瀉肺橘紅專瀉陳皮兼補厚朴

平胃氣前胡下氣推陳沉香升降諸氣

烏藥紫蘇川芎俱能散氣使濁氣從汗散檳

榔大腹能使濁氣下墜後重有積宜之蘿菈

子杏仁下氣潤燥氣滯有火宿滯不下妙品

豆蔻沉香丁香檀香麝香俱辛熱能散鬱氣

暴鬱者宜用稍久成火忌之須炒山梔從治

以上皆疎通一切有餘之氣要藥兼痰火兼積

滯兼經血有餘不足各隨加減。

又曰調氣用木香木香性溫氣上升如氣鬱而
不達固宜用之如陰火衝上阻塞有如氣滯而
用之則反助火邪必用黃栢知母少佐木香陰
虛氣滯四物加玄參黃栢知母稟壯氣實氣
不順而刺痛當用枳殼烏藥不已加木香若

肥白人氣刺痛古方用參朮枳殼木香愚意爲
先用二陳平胃枳殼果氣弱不應脈微弱者卽
當用之肥人氣滯必有痰以二陳二朮香附

川芎、燥以開之。瘦人氣滯，必有火且燥，宜降以潤之。蘇子、萊菔子、菔子、歸芍之類，婦女性執多偏屬陰，氣易於動，如痞悶、脹痛、上、湊心胃，或攻築脇肋、腹中結塊、月水不調、或眩暈、嘔吐、往來寒熱、一切氣候、正氣、天香散、或四七湯、酌用之。如氣不升降、痰涎壅塞、蘇子降氣湯佳。古方、木香流氣飲、治清濁不分、膨脹浮腫、二便不利、藥雖二十四味、無非破氣分利、似難執方、因時制宜可也。

氣本屬陽，內榮臟腑，外克皮毛，生生不息。如或五志過極，七情交攻，垂矣失常，清者遽變而爲濁，行者抑遏而反常，表失衛護而不和，內失健悍而少降，隨其所感，疾候應之爲治者，須審虛實新久，起初稍加辛散，後必從治，所謂氣有餘便成火者，以性屬陽故也。

氣不歸元，破故紙爲主，白朮亦可以其能和胃，胃和則氣歸元。

氣不升降，香附炒半斤，橘紅六兩，甘草一兩爲

肉桂 各一錢 甘草 五分

右薑三片煎服

流氣飲子 治男婦五臟三焦氣壅心腎痞悶
咽塞不通腹脇膨脹嘔吐不食及上氣喘
急喘嗽痰盛面目四肢浮腫二便秘塞及
治憂思太過陰陽之氣鬱結不散壅滯成
疾又治腳氣腫痛上喘作脹大便不通及
氣攻肩背胷脇走注疼痛

蘇葉 青皮 當歸 芍藥 烏藥

茯苓 桔梗 半夏 川芎 黃芪

枳實 各七分 防風 甘草 陳皮

木香 連皮大腹子 各五分

右薑三片棗一枚水煎服

橘皮一物湯 治諸氣攻刺及感風寒暑濕初

症通用凡酒食所傷中脘痞塞防悶嘔吐

吞酸

橘皮 洗淨

右用新汲水煎服

解五臟結氣益少陰經血用梔子炒令黑爲末
以薑汁入湯同煎飲其効如神氣有餘便
是火此方得之矣

治實熱在內有如氣滯

知母 黃連 黃栢 黃芩 枳殼各一分

右水煎服

鹽煎散 治一切冷氣攻冲膏腹刺痛不已及

脾胃虛冷嘔吐瀉泄

砂仁 甘草炙 茯苓 草果 肉荳蔻

川芎 茴香炒 澄茄 麥蘖 檳榔

良薑 枳殼 厚朴炒 陳皮 羌活

蒼朮 各等分

右入鹽少許煎服

正氣天香散

烏藥錢半 香附六錢 陳皮 紫蘇

乾薑 各

右白水煎服

青木香丸 治胃膈噎塞氣滯不行腸中水聲

治法彙一卷
嘔吐痰逆不思飲食常服寬中利膈

黑牽牛 二十四兩炒香 木香 三兩補骨脂炒

萼澄茄 各四兩 檳榔 酸粟米飯蒸

右末入牽末令勻以清水和為丸菜豆大每

服三十九茶湯下氣滯濕痰盛者大効

三因七氣湯 治七氣鬱結五臟之間互相刑

尅陰陽不和揮霍變亂吐利交作

半夏 厚朴 白芍藥 茯苓 各貳錢

桂心 紫蘇 橘紅 人參 各壹錢

右水二鍾薑七片紅棗一枚煎至一鍾不遇

時服

丹溪曰凡氣在胃臆而爲痞滿刺痛伏梁等症者二陳加枳桔黃連木香瓜蒌之類在下而爲奔豚七疝等病本方加桃仁山查梔子枳核茵香川棟荔枝之類在兩脇攻築作痛本方加醋製青皮柴胡芍藥膽草之類在中焦而痞滿脹急者本方加木香厚朴檳榔枳殼或用平胃散以平其土氣敦阜惟婦人胎前產後一切氣症

須兼四物一二味養血為主兼疎利

脉結澁或沉弦急疾收斂四肢腹脇腰膝牽引
疼痛不能轉側皆由七情鬱滯挫閃傷損謹察
其原隨症疎導

分氣紫蘇飲 治脾胃不和氣逆喘促

五味子 去核 桑皮 茯苓 甘草 炙

草果 大腹皮 陳皮 桔梗

右薑三片水煎服

紫蘇子湯 治思慮過度邪傷脾肺心腹膨脹

及喘促煩悶腸鳴氣走漉漉有聲二便不利肺脉虛數而澁

橘半 枳朮加人參大腹皮蘇子草果厚

朴木香木通甘草

四炒枳殼丸 治氣血凝滯腹內鼓脹

枳殼 四兩去穢切指頭大分四處一分蒼朮一兩同炒黃一分茴香一兩炒一分

分蘿藦子同炒一分乾漆同炒止用枳殼為末將原炒四味煎汁打糊丸桐子大每

服五十九白湯下

氣病用氣藥不効者氣之所藏者無以收也蓋

肺主氣腎藏氣古方木香順氣丸用木香枳殼
陳皮香附牽牛大腹皮蘿藦子青木香丸用牽
牛木香萹澄茄檳榔俱有破故紙皆取其壯腎
氣以收濁氣下歸膀胱使施化而出也

四磨湯 治七情鬱結上氣喘急胃膈脹痛神

効

人參 檳榔 沉香 天臺烏藥

右四味各磨濃汁小半盃頓溫服本草云四
味磨作湯治胃膈殊効加木香枳殼爲六

木香流氣飲 治諸氣痞塞不通胸膈膨脹面

目虛浮四肢腫滿口苦咽乾大小便秘

半夏二斤 青皮去白 厚朴薑製去皮 紫蘇去梗 香附去毛炒

甘草各一斤 陳皮去白二斤 肉桂不見火 蓬木煨 丁香不見火

檳榔 麥冬志 木香不見火 草菓各六兩 木通八兩

藿香 白芷 赤茯苓去皮 白朮 木瓜

人參去蘆 石菖蒲 大腹皮製各四兩

薑棗煎每服四錢熱服

養正丹 治上盛下虛氣不升降元陽虧損氣

短身羸及中風涎潮不省人事傷寒陰盛

自汗唇青婦人血海久冷

水銀

黑錫

去滓淨秤與水銀結砂子

硫黃

研

硃砂

研細

各壹兩

右用黑盞壹隻火上熔黑鉛成汁次下水銀以柳條攪次下硃砂攪令不見星放下少時方入硫黃末急攪成汁和勻如有酸以醋酒之候冷取出研極細煮糯米糊丸棗豆大每服叁拾丸鹽湯棗湯任下

三錫曰氣鬱久則中氣傷不宜尅伐補中益氣
佐舒鬱川芎香附枳殼之類胎產後同法

三錫曰難經云血主濡之氣主响之一切氣病
用氣藥不效少佐芎歸血藥血氣流通而愈乃

屢驗者

二陳湯見痰門
四物湯見血門

平胃散見脾胃門

血

張三錫曰榮血之行各有常道爲火所迫則錯
亂沸騰而吐衄唾涎等血症作矣有如火急
湯沸勢不可遏火去斯止善乎丹溪之論曰口

鼻出血皆是陽盛陰虛有升無降血隨氣上越
出上竅法當補陰抑陽氣降則血歸經矣乃論
血證三脉語

陽明之脉絡鼻是經火盛迫血妄行從鼻出者
曰衄方書言從肺來非也從口湧出者曰吐血
初起洪大犀角地黃湯按犀角性升散能散一
切有餘之火乃陽明經藥故曰如無犀角以升
麻代之今人不知泥於犀角解乎心熱一句不
分

輒與四物同用若是實火固爲得宜

陰虛者寧免飛揚之禍歟

原病式曰、衄者陽熱拂鬱於足陽明而上熱則血妄行故鼻衄也、

丹溪曰衄血宜涼血行血爲主、

犀角地黄湯加鬱金山茶花薑汁童便酒調下傷寒家得衄爲欲解謂熱隨血去俗曰紅汗是也詳見本門、

一方人中白新瓦上焙乾入麝香少許細酒調下卽止、

服犀角不止兼用降藥岑連梔栢丹皮生地玄
參側栢葉赤芍之類選用

衄血後半月一月每洗面卽發是經尚未歸四
物加石菖蒲阿膠蒲黃各半錢煎熟調煨石膏
一錢兼進養正丹

見氣門

失血家須用下劑破血蓋施之于蓄妄之初血
血家不可下蓋戒之于凶失之後

一應上溢之證若脾胃氣壯不瀉能食者皆當
以大黃醋製和生地黃汁及桃仁泥牡丹皮之

屬引入血分使血下行轉逆爲順也最妙法不知此而徒事涼藥四物等脾胃反傷今人治此無一生者此也

捷法

用頭髮皂角水洗淨燒灰竹管吹入鼻內或以酒調服亦可梔子燒灰亦佳○龍骨細研吹入鼻凡竅出血皆效○百草霜吹鼻亦妙○千葉石榴花末吹亦可○蘿蔔上半段杵汁服又以汁注鼻中○薑汁磨墨滴亦效○萱草花根洗淨

取汁加薑汁細細呷之治大熱衄血良

出本草衍義

一法大蒜搗泥隨左右貼足心妙

綱目

麝香散

白礬

枯另研

白龍骨

枯舌者五錢研

麝香

五分

右三味和勻每用一字先以冷水洗淨鼻中血涕吹之

白芨散

用白芨不拘多少為末冷水調貼鼻梁上

拔粹方治衄血往來久不愈甚效

熟地 地骨皮 枸杞子 各一錢

末每服三錢蜜湯調下日三服

黃湯 治榮中有熱及肺壅鼻衄一切丹

毒

用歸芎生地赤芍白朮煎服衄加薄荷煎瘡

加黃芩丹毒加防風

伏龍肝半升以新大碗水淘取汁和蜜頓服

芎附散 治服諸藥衄不止用茶調下二錢

川芎 和血通肝三兩
香附 開鬱行氣使火散經絡四兩

右共為末

寸金散 治鼻衄不止

土馬踪 即墻頭舊草
茸草 各二錢
黃藥 半兩

右為末每服二錢新汲水下不止再服

又方以井水濕紙搭頂上

治衄不止用緋繩隨左右衄扎中指齋鯨俱扎

大衄不止刺少商出血良

有雨着湯氣所薰或入浴室致衄者及吐者效

清道則衄、攻濁道則吐、用腎着湯、加川芎、妙最

止浴室中衄、腎着湯

見濕門

傷寒熱極而衄、為欲愈、以熱隨血去矣、不可遽

止、升麻葛根湯、仲景曰、以桂枝湯治衄、非治衄

也、欲散其榮中熱也、

有負重為物所壓、或持重遠行、忽心口痛、向鼻

出血、俗名傷力、乃內膜及肺胃係傷、損掙、發也、

世人槩用涼藥、愈止愈出、卒至胃損、咳嗽而歿、

良可嘆息、考古方中、急宜人參末、飛羅麩、重便

調下最佳、或以白芨末、童便調下亦可、但不可
用涼藥、爾褚澄曰、飲涼藥則百不一生、服溲溺
則百不一死、信哉、

吐血

屬陽明胃與厥陰肝

初起脉洪大、用犀角地黃湯、調鬱金、黑梔子灰、
或荆芥穗灰、不已、三黃補血湯、

心口脹懣、口中血腥氣、用韭汁、童便、薑汁、

飲、其血自清、勢微者、四物用生地、加炒

汗、童便、竹瀝、

勢盛脉芤大吐用十灰散遏之次用花蕊石散
消之後用清血藥鬱金丹皮赤芍之類加降火
凡吐血腎中覺氣塞滯吐紫者挑仁承氣湯下
之以膈有瘀也

又方童便二分酒一分搗側柏葉溫飲之胃弱
者陰乾爲末米飲下

吐血有因怒而得者經曰怒則氣逆甚則嘔血
宜平肝降火炒梔子青皮芩連柴胡

一切上焦血症余以四生丸易爲五生飲大獲

奇驗用生韭生藕或用鮮荷葉京墨側栢生地
各取汁一盃對童便其生地側栢研爛以童便
和方得汁

一方髮灰三錢白湯化阿膠二錢入童便生藕
汁刺薊汁生地汁各一盃好墨汁數匙頓溫服
色白人好色或過勞氣虛不能攝血用人參一
味爲末雞子清投新汲水調下一錢服之
諸失血後倦怠昏憤面失色懶于言動濃煎獨
參湯所謂血脫補氣也最妙

夫凡吐血、須審病因、不可遽投涼藥、如用力打撲、喊叫、內傷脈絡、口鼻出血、是肺胃上脘有損、破、必以白芨、或飛羅麵、米飲調、先填注損處、次用大補氣血、兼消瘀、若悞治、必不救。

消瘀用韭汁、桃仁、赤芍、芎歸、牡丹皮、紫金藤、大黃、滑石、紅花、煎湯、調降香末、白芨末服。

傷酒吐後、有血、是酒毒、如腎間作痛、是嘔、破胃管、童便調、白芨末、脈數急、心不痛、只作火治。

內損吐血、下血、或飲酒太過、勞傷于內、其血妄

行出如湧泉、口鼻皆流、須臾不救、卽歿、用側栢
葉蒸焙兩半、荆芥穗燒灰、人參各一兩、爲末、加
飛羅麩一錢、新汲水調、如稀糊、不拘時服、

千金方云、吐血有三、有內衄、有肺疽、有傷胃、內
衄者、出血如鼻衄、但不從鼻孔出、是近從心肺
間津液出、流入胃中、如豆豉汁、或如切鱖血、凝
停胃中、因積滯悶、便吐、或去數斗、或至一石者、
是也、宜清涼、得之於勞倦、飲食過常也、
肺疽者、或飲酒之後、酒毒滯悶、吐之時、血從吐

出或一合半升一升是也宜解毒涼胃

傷胃者因飲食太過寒涼停滯不能消化便煩
悶強吐所傷之物與氣衝上蹶破胃腕吐血鮮
色小腹中絞痛自汗出脉沉伏者可治緊數多
或急以理中湯散寒邪和陰陽此則寒為主而
血為輕先從急者理中湯主之理治中腕分利

陰陽

方見霍亂門

吐血屬寒者果身受寒氣口受冷物邪入血分
血得冷而凝不歸經絡而妄行其血必黑黯面

色必白、天其脉必微遲、其身必清冷、不用姜桂、而用涼血之劑、始矣、

吐血勢不可遏、胃中氣塞、上吐紫黑血、此瘀血、內熱盛也、桃仁承氣湯、加減下之、打撲內損、有瘀血者、必用、是傷寒門

吐血、衄血、下血、雖去多、以從胃與大腸肝來也、是經氣血俱多、身涼脉微、不妨咳血、咯血、最是惡症、其初甚微、漸至不救、以從心肺來也、暴吐紫血、或塊、脉洪大者、屬血熱、用生地四物

毒壯丹皮調之、不止、加熱大黃、

脈淡實有力、精神不倦、或覺胃中滿痛、或血是

紫血塊者、用生地赤芍當歸牡丹皮荆芥阿膠

滑石大黃玄明粉桃仁泥之屬、從大便導之、此

釜底抽薪法也、今人不知、徒事芩連梔枳輔四

物、使氣血兩傷、脾胃俱敗、百不一生、悲哉、

大吐不止、諸藥不効、用乾薑炒黑為末、童便調

服、此從治之法也、

吐血一方、用好墨為末、以白湯化阿膠清調稀

台法景一

八五

稠得所、頓服、熱多者尤宜、

諸失血、脈微弱、昏憤、氣息厭厭、欲絕、濃煎獨參、湯徐投之、每每回生、非他藥可比者、

血既從大便去後、用薏苡仁、多用、百合、麥冬、鮮地、骨皮、嗽渴、加枇杷葉、五味子、桑根、白皮、有痰、加貝母、皆氣薄味淡、西方笮金之藥、因其衰而、減之、自不再發、于虛症尤宜、

氣虛不能攝血、吐血不止、身涼、脈微弱、丹溪法、用人參一味為末、雞子清投新汲水調下一錢、

服効一法四君子加芎歸

先惡心血雜痰出嘔多至升許者爲嘔血有怒
而得者有過飲得者鬱悒人久之氣血凝滯中
焦運化失常亦作嘔痰帶血出宜分治之因怒
者肝脉必旺或兩手俱弦數宜平肝降火黃連
炒梔子青皮香附柴胡甘草歸芍甚者龍薈丸
或用赤茯苓瀉心湯乃實者瀉其子也

過飲酒脉必弦細而滑右寸口脉必洪滑或數
解酒毒降火和中二陳加苓連山梔牡丹皮選

用

鬱結脉必沉結或弦數宜舒鬱越鞠去蒼朮加
牡丹皮赤芍歸尾主之或加韭汁亦妙

嘔血脉大發熱喉中痛者屬氣虛此方主之

人參

黃芪

蜜炙

黃柏

荆芥

當歸

生地黄

又方用韭汁童便磨鬱金飲之其血自清如無
鬱金以山茶花代之

因怒嘔血服梔子等平肝不應用瓜蒌子當歸

生地、桔梗、通草、牡丹皮煎服。

脾統血，肺主氣。勞神多言，脾肺致傷，血妄行，忌涼劑。必用補中益氣湯加減。遇勞卽發，心肺受傷，其血必散。補中益氣湯加麥冬、五味、山藥、熟地、茯神、遠志。佳。有多言神勞用此。

內虛挾熱，吐血不止，厚黃柏以蜜塗炙，乾爲末，麥門冬煎湯調下二錢立止。

思慮傷脾，不能統攝心血，因而妄行或吐或下，歸脾湯主之。及治神不歸舍，不眠，方用參、朮、芪。

草酸棗茯神龍眼木香少許薑棗煎服

因醉飽低頭掬重損傷血從口鼻中湧出忌涼藥急以百草霜研細三錢米飲調下衄不止以少許吹鼻中妙不可殫卽鄉間鍋底煤也一切皮肉破處灸瘡血百法不應摻少許卽止血見黑卽止墨末及汁百草霜炮薑諸灰是也

咳血

咳血熱壅於肺者易治不過涼之而已損於肺者難治漸以成勞也

因咳而出多從肺胃二經急早治久卽成勞
血未止五汁飲最妙多飲童便爲上

初起脉實宜酒芩黃連梔子生地牡丹皮續芎
橘紅貝母花粉童便薑汁茅根之類清之或加
犀角亦可多用舟楫之劑

瘦人有此脉細數多成勞宜二母二門紫苑花
粉四物用生地牡丹皮竹瀝童便薑汁選用
勞傷肺經咳嗽有血鷄蘇散最驗功在阿膠炒
蒲黃勞嗽服阿膠不止無藥用矣詳見咳嗽門

貝母、海石、山梔爲末，薑汁蜜丸。噤化嗽多，加杏仁。後用八物調理。

痰涎中有血不嗽，或時喉中吐出。古方謂出于脾，用葛根、黃耆、黃連、芍藥、當歸、甘草、沉香末。主之。竊以爲必胃熱所致者多，莫若四物用生地、牡丹皮、黃連、梔子、花粉之類，加童便、竹瀝似當實者，滾痰丸。

肺家有熱，稍實者，白部膏妙。虛人清化膏。

咳血非靜養絕慾，不可與治。諸病皆然，此尤當。

一方服藥血不止是肺上有竅也用白芨末猪肺煮熟蘸食日三四次妙不可言余常治回回人用牛羊肺殊驗喉有竅則咳血殺人薏米爲末蘸食亦可

試血法 吐在水碗內浮者肺血也沉者肝血也半浮半沉者心血也各隨所見以羊肺羊肝羊心煮熟蘸白芨末日日食之

肥盛或酒客輩痰中有血滾痰丸佳

方見痰門

咳血痰盛身熱多是血虛用青黛瓜蒌仁桐子

貝母海石山梔爲末薑汁蜜丸噙化嗽多加杏
仁後用八物調理

痰涎中有血不嗽或時喉中吐出古方謂出于
脾用葛根黃耆黃連芍藥當歸甘草沉香末主
之竊以爲必胃熱所致者多莫若四物用生地
牡丹皮黃連梔子花粉之類加童便竹瀝似當
實者滾痰丸

肺家有熱稍實者白部膏妙虛人清化膏

咳血非靜養絕慾不可與治諸病皆然此尤當

慎者

先咳嗽後見紅多是積熱痰盛清痰降火爲急
先見紅後痰盛多是陰虛火逆痰不下降四物
加滋陰化痰藥

咳血胃間脹是肺家火盛諸藥不効用生蘿蔔
汁半盞入鹽少許服之立効如無蘿蔔用子一
錢蘇葉一錢同煎服次用雞蘇散加阿膠
咳血胸中痛腥臭異常肺脈數而虛是肺痿見

本門

丹溪七傷散中有黃藥子、白藥子、乳沒、血竭等，亦是清肺熱、活血行氣之意。或因負重勞傷，咳嗽痰血，大獲奇功，不可忍畧。

七傷散 治勞嗽吐血痰

黃藥子 白藥子 本草言治脾 各兩半 知母

玄胡索 各兩半 鬱金 二錢半 當歸 兩半 山藥

乳香 沒藥 血竭 各二錢 赤芍 七錢半

共為末，每服二錢，茶湯調下。

虛勞久嗽，咳血咯血，五倍子一味為末，每服一

錢用温茶一大口調勻食遠米飲下乃歛而降之法也

花蕊散

見虛損門

十灰散

見虛損門

龍薈丸

見脇痛門

赤茯苓心湯

見火門

補中益氣湯

見內傷門

升麻葛根湯

見傷寒門

百部膏

以百部壹味煎膏

花蓋石散

見虛損門

清化膏

見咳嗽門

諸失血過多體倦食少及血不止扶正氣為急

人參一錢黃耆二錢五味子十三粒芍藥麥門

冬其草歸身各五分加鬱金亦不可

唾血

平時津唾中有血爲唾血一屬腎虛有熱一屬
上焦實火有餘則瀉加減涼膈加牡丹皮藕節
之類不足則補滋腎坎離或以四物加鹽酒炒
梔子黃栢肉桂一分許瀉腎火或加二門二母

咯血

咯血不嗽而咳出血也咯與唾少異唾出于氣
上無所阻咯出于痰氣鬱于喉嚨之下滯不得

出咯而乃出，求其所屬，咯、喘同出于腎也。治咯血之方，宜用童便、青黛以瀉手足少陽，三焦膽經之相火，而薑汁爲佐，用四物、地黃、牛膝、葷以補陰，安其血也。

櫻寧生曰：咯血爲病最重，且難治者，以肺手太陰之經氣多血少，又肺爲金，象爲清肅之藏，爲火所爍，迫血上行，以爲咯血，逆之甚矣。上氣見血，下聞病音，謂喘而見血，且咳嗽也。

初起宜白扁豆散，去半夏，加貝母，入生地、黃蘗。

節尤佳及磨京墨調黑神散各一錢或生地洗

淨搗汁加薑汁少許一法用生薑一片蘸百草

霜薑淡再蘸如薑無味再易嚼之黑神散方見于後

勞嗽咯血七珍散加阿膠當歸各半錢惡甜人

更加百藥煎仍調鍾乳粉尤佳一味鍾乳粉糯

米飲調吐血嗽血俱佳七珍丸虛損門

用力屈身傷肺咯吐血者白芨枇杷丸或白芨

蓮鬚散方用白芨壹兩蓮花鬚側柏葉沙參各伍錢右為極細末入藕汁地黃汁磨墨令黑調下一錢

喉中咯出小血塊或血點為咯血亦分虛實瘦

各法彙 卷五 各血 九

人最忌大法四物入童便薑汁青黛服之或加
半膝膏地黃膏尤妙與咳血大同小異

聖餅子治咯血殊驗用青黛一錢杏仁四十粒
去皮尖以黃臘煎黃色研細入青黛捏作餅子
用時以柿一枚破開以餅值其中合定濕紙煨
研飲余常以二門冬生地煉膏和貝母阿膠杏
仁桔梗百藥煎青黛末噙化治咳唾咯大有奇

驗

上焦一切血症稍止卽服六味地黃最不可緩

庶絕病根、有血症者、終身不可脫、妙在澤瀉、茯苓、淺見者、謂瀉腎、殊可恨、詳見本方下

丹溪方用

白芨

一兩

藕節

半兩

右為末、每服一錢、白湯調下、神効

白芨治上焦諸血、大獲奇驗、昔人謂芨下咽至

上竅、則竅為芨末填、而血止、非欺我也、有驗即

有此理、詳見本草綱目白芨下、一法取末加二

錢于粥中吃妙

古法彙一

九七

荷葉一味爲末，米飲下，咯血妙。槐花炒爲末，糯米湯化下，亦可。

舌衄

舌上無故出血不止，名舌衄。用槐花末搽上立止。得無心火自灼之故，用麥冬煎湯調妙香散。香薷汁服一二碗佳。髮灰二錢，米醋調下更付出血處。

妙香散

見類癩門

文蛤散

治熱壅舌上出血如線，五倍子白膠

香牡礪粉等分爲末，每用少許，慘患處或燒熱

鐵烙孔上

齒衄

齒衄有二，一則腎虛虛火泛上，服涼藥不愈，宜
鹽湯下安腎丸，外用青鹽黑香附擦牙，一則胃
火崩落口臭，用清胃散甘露飲，外用大黃米泔
浸軟，生地黃二味旋切二片，合定貼所患牙上，
一夜即止。○腎虛血漫，胃火血緊而痛，亦用此
法。

陽明氣血俱多，火旺則血如潮湧，腎虛血出必

點滴而出齒亦隱隱而痛不如此之暴酒客多
此惟大黃酒煮者妙

白扁豆散

見內傷門

清胃散

見齒門

茸露飲

見齒門

齒縫中出血如注或如細線名齒衄世傳用銀
簪脚燒紅以尖脚于血孔中烙之即止後服清
胃散加熟大黃準繩法屢用去黑屎二三塊効
一法用鹽湯嗽立止又能益齒鹹走血之驗
丹溪方齒齲出血夜以鹽厚傳斷上有涎瀝盡

乃陽涎出時叩齒勿動

千金方用枯礬煎湯先拭齒乃含之

齒搖動出血牙斷痛痒骨碎補二兩細挫炒黑

料末依常盥漱畢楷齒斷下良久吐或嚥下

耳中出血龍骨燒灰次入即止

兩關弦數飲酒多怒人屬肝火柴胡清肝散

見脇痛門

尺脈弱或躁屬陰虛六味地黃丸

溺血

小便痛者為血淋不痛為溺血宜分新久虛實

治法彙一
卷一
五

不可例用寒涼

壯盛人關尺弦急或數屬肝火宜龍膽瀉肝湯

加牡丹皮等清血藥不已當歸龍薈丸

俱見脇痛門

一法生料五苓散和四物湯若服藥不効素多色者五苓和膠艾湯吞鹿茸丸或八味地黄丸或鹿角膠丸或辰砂妙香散

多慾之人腎陰虧損血隨溺出脈必洪數無力宜滋陰四物加知母黃柏或加牛膝膏久血溺不止牛膝一味煎湯代茶屢驗說見本草牛膝

下

初起脉洪數有力屬下焦血熱山梔炒水煎服
或加小薊琥珀實者八正散利之○亦有如砂
石而色紅却無石淋之痛亦屬虛症○八正散
見淋門

髮灰散溺血絕妙方用無病人髮肥皂水洗淨
燒灰每服二錢醋湯下或用茅根車前煎湯下
尤妙一方用側栢葉汁調糯米粉打糊和髮灰
丸白湯下或四物湯兼治肺疽心衄內崩吐血
一二口舌上出血一切血症

丹溪曰、髮補陰甚捷、本草曰、髮灰能消瘀血、通
關格、利水道、破癰疽、血衄、平常溺血、四物加牛
膝、山梔、或加黃連、棕灰、不應審而治之、

一方用生地、小蘗、滑石、通草、蒲黃、淡竹葉、藕節、
當歸、山梔、甘草、水煎服、效、亦治血淋、

有氣虛不能攝血、玉屑膏最妙、并治沙淋、痛不
可忍者、用黃芪、人參等分爲末、用蘿蔔大者切
一指厚、三指大、四五片、蜜醃少時、蘸蜜炙、乾再
蘸、盡蜜二兩爲度、勿令乾焦、至熟、蘸黃芪、人參

末吃不以時仍以鹽湯送下豈虛火宜補宜
之意歟

七、
澀可去脫日久不止龍骨火煨爲末水調方寸

汚血結于腦中溺多紫黑以鬱金搗爲末葱白
一握相和水煎服二三次

老年有此多是陰虛亦有過服助陽藥而致者
多致不救遵生者當知此苦

一法用車前草汁藕汁小蘗汁調炒黑蒲黃末

空心服、

丹溪冬用散、治瀉血下血、亦有至理、用夏枯草
燒灰存性、研細空心米飲、或涼水調、本草言此
草活血行氣、有補養厥陰血氣之功、前陰屬厥
陰故也、

下血

脉法腸澼下血、脉小留連者、生急疾、且大身熱
者、死

下血雖曰大腸積熱、亦當分虛實、不可純用寒

涼藥必加辛散爲佐久之不愈宜理胃氣兼升
舉藥酒炒酒煮黃連之類

下血色清而鮮者爲腸風屬胃與大腸積熱條
芩升麻牡丹皮黃連槐角青黛秦艽之類凡下
血必加地榆爲使在上防風在中黃連在下地
榆乃治血三使也

一說酒毒厚味動血連蒲散吞黃連阿膠丸及
香連丸或一味黃連煎湯

二丸方並見痢門

腸澼下血其血另作一派溼出有力而遠射四

散如篩，腹中大痛，乃陽明熱毒所作也。非陽除

濕湯主之。見泄瀉門

血見愁草搗汁，加薑汁少許，側柏葉汁頓溫服。妙。暑毒入腸胃，下血者，黃連一味煎湯妙。

黯而濁者，爲臟毒。脈實便秘，勢盛者，黃連解湯。

加熟大黃，輕者解毒涼血。見傷寒門

濕毒下血，脈必洪濡，四肢沉重大，大便滑瀉，宜升麻、二陳、二木、芩、連，或加風藥，以風能勝濕也。此

酒麪炙酪厚味所釀之濕，非外感濕。

下血亦有寒者或飲冷水漿瓜果血為其所
而下紫黑血或鮮血腹中必隱隱痛用理中湯
及平胃五苓散不効黑神散或膠艾湯加米湯
煎吞震靈丸

黑神散用黑豆炒熟地歸芍肉桂
炮薑甘草蒲黃共末童便酒下二錢

東垣升陽除濕和胃湯治腸澼下血方用四物

去川芎加生地牡丹皮蒼朮黃芪升麻秦艽陳

皮生炙甘草肉桂三分臨時加減亦妙

去血過多以四物加黑乾薑升麻

結陰便血羅謙甫用平胃地榆湯溫中散寒除

濕和胃外炙中脘必飲冷酒中寒乃可用以中

有附子也

方用炮附蒼朮升麻蒼朮陳朴乾薑葛根歸芍參草益智神麩薑棗煎服

仁齋直指曰血遇熱則流通故止血多涼劑然

亦有氣虛挾寒陰陽不相為守勞氣虛散血亦

妄走所謂陽虛陰必散是耳外症必有虛寒之

狀法當溫中使血自歸經絡理中湯加南木香

或局方七氣湯加川芎古方用炮薑亦是此義

脉微弱或右手虛大無力此氣血兩虧也補中

益氣加減片久而黃神方

肛門射如線者，垂痔也。或肛內外作痛，俱是痔。血宜從痔門。

一切下血痔血，臟連丸常服佳。槐角丸亦妙。血虛者，或加四物。槐角于臟連丸內妙甚。

打撲內損惡血入腸胃，下出濁物，如瘀血者，不可用涼藥。宜黑神散加老黃茄爲末酒服。

諸下血，銀杏四十九箇搗爛，加白蘘煎丸彈子大，每空心細嚼兩三丸，米飲下。

下血服涼藥不止，必中氣虛，不能攝血，非補中

升陽不愈，切忌寒涼。

血症不斷，酒色厚味，縱止必發，終成痼疾。

虞氏曰：精氣血氣皆生于穀氣，大便下血多，以胃藥收功，徒用苦寒而不理脾胃，治標不治本，是絕氣危生之下工矣。

諸灰能止血，百藥煎燒灰存性，研細飯丸，每三四十丸，或以米湯調末服，二三錢亦妙。

立齋法：下血先用敗毒散解散腸胃風邪，大抵因濕熱，酒麪厚味者多，風能勝濕，久之必固腸。

胃補養升舉

收毒散見瘧疫門

烏梅丸

烏梅三兩燒灰存性爲末醋糊爲丸桐子
大每服七十丸空心米飲下

腸癖者水穀與血另作一派如溼桶出也夏月
濕熱太甚容氣盛而主氣弱故腸癖甚也以涼
血地黃湯主之黃栢知母炒一錢青皮炒槐花
炒當歸熟地各五分水一盞煎七分溫服如二
便前後重調木香檳榔末各五分空心服仍後

重者須下

香梅丸

烏梅連核燒存性、香白芷生百藥煎燒存性、右等分爲末、麩糊丸、米湯下、三五十九

一方

五倍子爲末、鹽梅搗膏爲丸、空心下、三五十九丸、此皆酸以收之之意

括曰側柏加礬煑、棕間下火燒、大黃煨半

熟、枳殼炒須隼、黑墨槐花末、黃連酒共

調 腸風並下血 痔漏一齊消

依法修治淡酒調成膏置舌上仍以酒送下乃
治標妙方屢驗者

大下不止一來升碗者猪肚一枚男雄女雌洗
淨入荆芥四兩當歸一兩黃連一兩紅花五錢
地榆三錢皮硝一錢右爲細末入肚中兩頭扎
定勿使水進用水淹過肚二三指以盆覆定勿
令泄氣煮極爛取起去藥等肚就以原汁下二
三個肚全愈下血勢盛脉洪數有力或酒客膏

梁家尋常藥不應黃連貫衆散佳黃連雞冠花
貫衆大黃烏梅肉各一兩炙甘草七錢枳殼荆
芥各一兩共末每服二錢溫麥飲下

夏月伏暑純下鮮血黃連香薷飲主之
風熱入大腸下血不止脉浮有表熱者敗毒散
散之

有風濕乘虛入于腸胃或下瘀血者胃風湯加
枳殼荆芥槐花煎服

糞前者名近血出自大腸四物加檳榔槐花枳

實條芩之類以瀉大腸糞後來者名遠血出自
小腸四物加木通黃連以瀉小腸
樗皮散寒治下血及血痢已經下後不止此藥

能除根

樗根白皮

二兩

槐角仁

四兩

枯白礬

二兩

甘草

炙

右為細末每服三錢清米飲調下

閩廣嶺南多**蠱毒**中之者下血如鷄肝或臟腑
俱壞惟心未傷用馬藺根末水服方寸七隨吐

毒極神

一法用白蘘荷蜜置病人席下勿令知病者自呼蠱者姓名愈

百一方蠱毒下血如爛肝取蚯蚓十四枚以苦酒漬之蚓死但服其汁自愈

患傷心脾不能攝血歸源或下血或出汗或發熱或惡寒歸脾湯加減

丹溪方臟毒下血車前草連根一握生薑一小塊新水研碎去渣候血欲下時腰間必覺重便

服此一盞少坐漸覺冷下腹中登側已不見血矣。

正傳一方大小便血用篁竹葉燒灰存性米糊丸桐子大每服七八十丸空心米飲下。

臟毒腹中微痛濁血兼花紅膿肛門腫脹或肛突出大便難先用拔毒疎利之劑追出惡膿血後乃涼血內托祛風虛人兼芪朮參苓助養胃氣詳見心法。

九竅出血南天竺飲主之或用血餘灰自己髮

爲佳無卽用父子一氣者次則亂髮次則頭胎
男髮肥皂水洗淨燒灰二錢以茅根車前草或
搗汁下或煎湯亦可

病人汗出汚衣皆血汗因大喜傷心喜則氣散
血隨氣上婦人產蓐多此治以葎草汁

葎草不拘多少俗名葛勒蔓是蔓生葉似
草麻而小薄有細刺花黃白子如麻子

右一味搗汁加醋空心服一盞或煮濃汁服

酒煮黃連丸

黃連 去鬚毛十二兩

好酒掩過二指砂礪內煮酒乾爲度晒乾爲細末桐子大糊丸每服三十九空心下

犀角地黄湯

犀角

鎊水磨

生地

白芍

牡丹皮

各等分

水煎服

血從毛孔出名曰肥衄人中白不拘多少瓦上用火逼乾研令極細每服二錢入麝少許溫酒下外以髮灰逼之未効鬱金末水調鴛羽掃之

即愈

三黃補血湯 血見多及初見血宜用

黃芪 錢半 生地 二錢 熟地 柴胡

川芎 各錢半 芍藥 三錢 牡丹皮 升麻 各五分

白水煎血不止加桃仁半錢大黃斟酌加減

去柴胡升麻

鷄蘇散

鷄蘇薄荷 蘇州者 黃芪 生地 阿膠

貝母 白茅根 各一錢 桔梗 蒲黃 炒黑

色麥門冬 甘草 各半錢

細切水煎

槐魚丸 治下血痔血

槐角 二兩 炒 地榆 黃芩 當歸 防風

枳殼

共為末糊丸桐子大每服五十丸空心下

飲酒入下血日二三次四物加條芩防風荆芥

白芷槐花升麻不應加橡斗灰二三錢煎成藥

中調服佳

臟連丸

用宣州肥大黃連不拘多少去毛洗淨爲末篩過如麩以雄猪大腸一段將末入腸中塞滿兩頭扎定入鍋內蒸爛取出入木相內杵爲丸桐子大早晚每服三十丸白湯下能滌腸胃火毒

九竅出血皆可用墻頭苔蘚可以塞車前草汁可以滴火燒連房用水調鍋底黑煤可以喫石榴花片可以塞生菜菘汁可以滴火燒龍骨可

以吹

胃風湯

治風濕入于腸胃下血不止色清是

風如豆汁者是濕酌量用之

人參

白朮

炒

茯苓

川芎

當歸

酒洗

白芍

炒

桂

各等分

水煎服

失血後大熱大渴發熱症似白虎惟脉虛大不

長實為異爾悞用涼劑必死當歸補血湯主之

方用黃芪一兩當歸二錢

世傳經驗方下血用乳香沒藥血竭兒茶各一錢巴豆霜五分丸菘豆大空心酒下神妙不可言

丹溪曰下血久不止涼藥不應當用溫劑面色痿黃肌瘦濟生方煎紅丸藥用側柏鹿茸附子續斷黃耆阿膠白礬當歸醋糊丸米飲下不若補中益氣湯加減妙

大凡病後咳嗽吐血脉大而亂屬上焦陽絡傷下血瀉血爲陰絡傷俱危

丹溪曰一切血症皆是陽盛陰虛君相二火亢
盛煎迫其血而出諸竅悉以四物湯爲主看出
自何經以本經瀉火引經藥佐之今詳其藥品
川芎血中氣藥也通肝經味辛性散能行血滯
于氣使歸于肝地黃血中血藥也通腎經味甘
性寒能生真陰血症用生者是當歸分三治身
頭補尾破全和血中主也能使氣血各有所歸
味辛性溫芍藥陰分主藥也通肝脾味酸性寒
能和血斂血皆純陰之藥陰血不足而陽火旺

者必取則于此

三錫曰四物體瘦多火者宜之若脾胃食少體
倦一切失血後須大補脾胃當遵長沙血脫補
氣之法多用人參爲主或補中益氣湯增損陽
旺則能生陰氣旺則能生血乃至妙大經大法
昧者毋得妄議若不熟讀本草綱目而泥於言
肺熱傷肺之說定悞人矣若四物者獨能主血
分受傷爲氣不虛者立也輔佐之屬若桃仁紅
花蘇木血竭牡丹皮血滯所宜蒲黃阿膠地榆

百草霜、棕灰爲血妄崩所宜，乳沒、玄胡、靈脂、凌霄花爲血痛所宜，牛膝、枸杞、菴蓉、瑣陽、敗龜板爲血虛所宜，乳酪、血液之物、血燥所宜，乾薑、桂枝、桂肉、血寒所宜，生地、苦參、血熱所宜。此特取其正治。大畧耳。若觸類而長之，則應變無窮矣。牡丹皮、茅根、藕節、側柏俱能清血分中火，血藥須之。

韭汁、鬱金、梔子能清上焦之血。

血見黑卽止水能制火也。古法用棕間烏梅香

附髮等燒灰皆本此

血不歸元責之胃寒涼藥屢用不効甘草炙炮
乾薑等分每服三錢引血歸元妙

失血蓄妄必先以快藥下之或問失血復虛何
以當曰血旣妄行迷失故道不去蓄利瘀則以
妄爲常曷以禦之

諸失血及崩產後發熱潮熱咳嗽脉數乃是元
氣虛弱假熱之脉卽東垣所謂內傷右寸關大
而無力爲虛火乘元氣之脉是也須主以人參

然血必由于脾胃先損而患故脉大而洪但察
其中有胃氣受補可救設用寒涼之藥復傷脾
胃生氣使血反不歸源去死不遠矣

諸失血後渴者爲血渴十全大補或黃芪人參
五味地黃麥冬葛根枇杷葉量胃氣虛實用之
胃前有一孔常出血水名曰心漏用嫩鹿茸去
毛酥炙附子炮去皮尖鹽花共末棗肉丸每服
三十丸空心酒下兼治腎虛腰痛

五竅出血不止用水喫其面使驚而神收血止

一童子年十四歲發熱吐血余謂宜補中氣以
滋化源不信謂童子未室何腎得虛因述丹溪
云腎主閉藏肝主踈泄二臟俱有相火而其係
上屬于心心爲君火爲物所感則易于動心動
則相火翕然而隨雖不交會其精亦暗耗矣又
精血篇云男子精未通而御女以通其精則五
體有不滿之處異日有難狀之疾與補中益氣
湯及六味丸而愈

一男子咳嗽吐血熱渴痰盛益汗遺精用地黃